

ԳՈՐԾԱԴԻՐ

ԳԻՈՐԳԻ ԳԱԽԱՐԻՎ. «ԳԼԽԱՎՈՐԸ ՀԱՀ-Ի ՍԿՉԲՈՒՆՔՆԵՐԻ ՀԱՄԱՊԱՏԱՍԽԱՆԵՑՈՒՄՆ Է ԵՎՐՈՊԱԿԱՆ ՍԿՉԲՈՒՆՔՆԵՐԻՆ»

Փետրվարի 6-ին, Վրաստանի վարչապետ Գիորգի Գախարիայի նախագահությամբ, անցկացվեց երկրի կառավարության հերթական նիստը:



Խոսելով գործադիր իշխանության նիստի օրակարգի մասին՝ վարչապետը նշեց, որ քննարկման է դրված նաև հավելյալ արժեքի հարկի (ՀԱՀ) օրենսդրական փոփոխությունը, ինչը նախատեսում է երկրում գործող սկզբունքների համապատասխանեցումը եվրոպական սկզբունքների: Վարչապետի խոսքով, ֆինանսների նախարարության կողմից ներկա-

յացված օրինանախագիծը նախատեսում է ՀԱՀ-ի երկրում գործող մենեջմենտը վերածել եվրոպական մոդելի: Վարչապետի հավաստմամբ, այդ ոլորտում իրականացվող բարեփոխումը եւ ծրագրված օրենսդրական փոփոխությունները կնպաստեն գործարարության զարգացման:

(Շարունակությունը՝ 2-րդ էջում)

ԴԻՐՔՈՐՈՇՈՒՄ

ՍԱԼՈՍԵ ԶՈՒՐԱԲԻՇՎԻԼԻ. «ՎՐԱՍՏԱՆԻ ԲՆԱԿՉՈՒԹՅԱՆ ՀԱՆՊՈՒԹՈՂԱԿԱՆՈՒԹՅՈՒՆԸ ԻՆՔՆՈՒԹՅԱՆ ՄԱՍՆ Է, ՈՐԻ ՀԱՄԱՐ ՄԵՆՔ ՇԱՏ ՀՊԱՐՏ ԵՆՔ»

Փետրվարի 6-ին Վրաստանի նախագահ Սալոմե Զուրաբիշվիլին Օրբելիանիների պալատում հանդիպում ունեցավ կրոնական միավորումների ներկայացուցիչների հետ:



Հանդիպմանը, ներկա էին կրոնի հարցերով պետական գործակալության նախագահ Զաքա Վաչաղվաձեն, փոխնախագահ Գիորգի Ուկլեբան, ռազմավարական հետազոտությունների, վերլուծության եւ տարածաշր-

ջանային ծառայության պետ Նինո Ծավճավաձեն, երկրում գործող 11 տարբեր դավանանքների ներկայացուցիչներ, այդ

(Շարունակությունը՝ 2-րդ էջում)

ՎՐԱՍՏԱՆ - ԱՄՆ

ԿՈՆԳՐԵՍԸ ՎՐԱՍՏԱՆԻ ՆԿԱՏՄԱՄԲ ՈՒՆԻ ՎԱՏԱՐՈՒԹՅՈՒՆ, ԱԶԱԿՑՈՒԹՅՈՒՆ ԵՎ ԼԱՎԱՏԵՍՈՒԹՅՈՒՆ



Ինչպես արդեն հաղորդել ենք, Վրաստանի խորհրդարանի նախագահ Արչիլ Թալակվաձեն եւ արտաքին գործերի նախարար Դավիթ Զալկալիանին աշխատանքային այցով գտնվում են Ամերիկայի Միացյալ Նահանգներում:

Այցի գլխավոր նպատակը Վրաստանի վարչապետին ամերիկյան առանձին կոնգրեսականների եւ սենատորների կողմից հասցեագրված նամակում ներառված դիտողությունների պարզաբանումն էր: Երբ բարեկամներն ունեն հարցեր, բնական քայլ է, որ հանդիպես նրանց, բացատրես, փոխանցես փաստարկներ եւ ցույց տաս, թե որոնք են ապագայի քո ծրագրերը, ինչ քայլեր ես պատրաստվում ձեռնարկել,- հայտարարեց Վրաստանի խորհրդարանի նախագահ Արչիլ Թալակվաձեն ԱՄՆ-ի կոնգրեսում

(Շարունակությունը՝ 2-րդ էջում)

ՎՐԱՍՏԱՆ - ՀԱՅԱՍՏԱՆ

ԶԱՐԵՉ ՍԻՆԱՆՅԱՆ. «ՎՐԱՍՏԱՆԻ ՀԱՅ ՀԱՄԱՅՆՔԸ ՅՈՒՐԱՀԱՏՈՒԿ Է ԵՎ ՄՅՈՒՄ ՀԱՄԱՅՆՔՆԵՐԻՑ ԱՌԱՆՁՆԱՆՈՒՄ Է ԻՐ ՊԱՏՄԱԿԱՆ ՀԵՏԱԳԾՈՎ»
ՀԱՅԱՍՏԱՆԻ ՍՓՅՈՒՌԹԻ ԳՈՐԾԵՐՈՎ ԳԼԽԱՎՈՐ ՀԱՆՁՆԱԿԱՍԱՐԻ ԱՆԴՐԱՆԻԿ ԱՅՑԸ ՎՐԱՍՏԱՆ

Հունվարի 31-ից փետրվարի 5-ը աշխատանքային այցով Վրաստանում էր գտնվում Հայաստանի Սփյուռքի գործերի գլխավոր հանձնակատար Զարեհ Սինանյանը: Գլխավոր հանձնակատարը, Վրաստանում Հայաստանի արտակարգ եւ լիազոր դեսպան Ռուբեն Սաղոյանի ուղեկցությամբ, հանդիպումներ ունեցավ Վրաստանի պաշտոնատար անձանց հետ, եղավ Թբիլիսիի հայկական կրթամշակութային օջախներում, այցելեց Ախալցխիսե, Ախալքալաքի, Նինոծմինդա, հանդիպումներ ունեցավ տեղի հայ համայնքների ներկայացուցիչների հետ: Զարեհ Սինանյանին այցի ընթացքում ուղեկցում էր գլխավոր հանձնակատարի գրասենյակի համահայկական ծրագրերի վարչության գիտակրթական բաժնի պետ Հայկ Ենգիբարյանը:

ՀԱՆԴԻՊՈՒՄ ՎՐԱՍՏԱՆԻ ՀԱՇՏԵՑՄԱՆ ԵՎ ՔԱՂԱՔԱՑԻԱԿԱՆ ԻՐԱՎԱՅԻՎԱՍԱՐՈՒԹՅԱՆ ՊԵՏՆԱԽԱՐԱՐՈՒԹՅՈՒՆՈՒՄ

Թբիլիսիում փետրվարի 3-ին, Վրաստանի հաշտեցման եւ քաղաքացիական իրավահավասարության պետնախարար Քեթևան Յիխելաշվիլին հանդիպում ունեցավ աշխատանքային այցով Թբիլիսիում գտնվող, Հայաստանի Սփյուռքի գործերի գլխավոր հանձնակատար Զարեհ Սինանյանի հետ:



Հանդիպմանը Քեթևան Յիխելաշվիլին Զարեհ Սինանյանին ներկայացրեց քաղաքացիական ինտեգրման ուղղությամբ

(Շարունակությունը՝ 4-րդ էջում)

ԸՆՏՐՈՎԱԿԱՆ ՕՐԻՆԱՆԱԽԱԳԻԾ

ԸՆՏՐՈՎԱԿԱՆ ՀԱՄԱԿԱՐԳԻ ՍԱՀՄԱՆՈՒՄԸ ՊԵՏՈՒԹՅԱՆ ԻՆՔՆԻՇԽԱՆ ՈՐՈՇՈՒՄՆ Է

Ինչպես արդեն հաղորդել ենք, անցյալ տարվա նոյեմբերին, խորհրդարանի կողմից միայն համամասնական ընտրակարգով 2020 թվականի խորհրդարանական ընտրությունների մասին օրինանախագծի տապալումից հետո, «Վրացական երազանք» կառավարող կուսակցության եւ միացյալ ընդդիմության միջև անցկացվում են հանդիպումներ ընտրահամակարգի սահմանման հարցով:

Ընդդիմության կողմից առաջադրված այսպես կոչված «զերմանական մոդելին», «Վրացական երազանքը» հակադրեց խառը 50 մեծամասնական եւ 100 համամասնական ընտրակարգով ընտրությունների անցկացման տարբերակը:

Միացյալ ընդդիմությունն իր առաջարկության միջազգային հանրության աջակցությունն ապահովելու նպատակով, այսպես կոչված «զերմանական մոդելի» տարբերակի զննահատման համար ուղարկել

(Շարունակությունը՝ 3-րդ էջում)

ԱՄՆ ՆՈՐԱՆՇԱՆԱԿ ԴԵՄՊԱՆԸ ՀԱՆՁՆԵՑ ՀԱՎԱՏԱՐՄԱԳՐԵՐԸ

Հունվարի 31-ին Վրաստանում Ամերիկայի Միացյալ Նահանգների նորանշանակ արտակարգ եւ լիազոր դեսպան Քելլի Դեզմանը իր հավատարմագրերը փոխանցեց Վրաստանի նախագահ Սալոմե Զուրաբիշվիլուն:



Մինչ այդ, Քելլի Դեզմանը հավատարմագրերը փոխանցեց նաև Վրաստանի ԱԳ նախարար Դավիթ Զալկալիանուն: Արարողության ավարտից հետո, նորանշանակ դեսպանը հայտարարեց, որ ԱՄՆ-ը կշարունակի օգնել Վրաստանին Արեւմուտքին ինտեգրմանը, Ռուսաստանի կողմից իրականացված ապակայունացմանն ուղղված գործողությունների դիմակայմանը: Նրա խոսքով, ինքը կաշխատի Վրաստանի եւ ԱՄՆ-ի միջև հարաբերություն-

ների հզորացման ուղղությամբ: Նշենք, որ դեսպանի պարտականությունները պաշտոնապես ստանձնելուց հետո, Քելլի Դեզմանը հանդիպումներ ունեցավ Վրաստանի ներքին գործերի նախարար, Վախթանգ Գոմելաուրու, Համայն Վրաստանի Կաթողիկոս-Պատրիարք Իլիա Երկրորդի հետ:

ԳՈՐԾԱՐԻ

ԳԻՈՐԳԻ ԳԱԽԱՐԻԱ. «ՎԼԽԱՎՈՐԸ ՀԱՀ-Ի ՍԿՉԲՈՒՆՔՆԵՐԻ ՀԱՄԱՊԱՏԱՍԽԱՆՆԵՅՈՒՄՆ Է ԵՎՐՈՊԱԿԱՆ ՍԿՉԲՈՒՆՔՆԵՐԻՆ»

(Սկիզբը՝ 1-ին էջում)

նը, առավել կընդլայնեն Եվրամիության հետ խոր ու ընդլայնված ազատ առևտրի մասին պայմանագրով նախատեսված հեռանկարները:

- Բնականաբար, դա կնպաստի գործարարության, առաջին հերթին, միջին գործարարության զարգացմանը, որը կկարողանա պայմանագրով առավել մեծ պարտավորություններ ստանձնել ու լրիվությամբ օգտագործել Եվրամիության հետ խոր եւ համընդգրկուն ազատ առևտրի պայմանագրով ընձեռած հնարավորությունները: - հայտարարեց վարչապետը:

Վարչապետ Գիորգի Գախարիան նշեց, որ մարդու իրավունքների պաշտպանությունը միշտ եղել է գործադիր իշխանության առաջնահերթությունը: Զետեւաբար, ընթացիկ տարին կառավարությունը սկսում է մարդու իրավունքների երկարամյակ ռազմավարության մարտի փուլի մշակմամբ: Վարչապետի հավաստմամբ, այդ ռազմավարության մշակման գործընթացում կառավարությունը կօգտագործի բոլոր հնարավոր հարթակները, ինչպես երկրի ներսում, այնպես էլ՝ երկրից դուրս:

- Ինչպես գիտեք, 2012 թվականից

մարդու իրավունքների թեման առաջնահերթային է եղել մեր կառավարության համար, եւ 2013 թվականից այն ժամանակվա վարչապետ Բիծինա Իվանիշվիլու հանձնարարությամբ, սկսվեց մարդու իրավունքների երկարամյակ ռազմավարության մշակումը: Այն հաջողությամբ իրականացվեց եւ երկրի տարբեր ոլորտներում իրականացվող բոլոր փոփոխություններին մարդու իրավունքների ռազմավարությունը լրիվությամբ հաշվի էր առնվում: Այս տարի սկսում ենք այդ ռազմավարության մարտի փուլի իրականացումը, որը արտակարգ նշանակալից է: - հայտարարեց վարչապետը եւ շահագրգիռ բոլոր կողմերին կոչ արեց իրենց իրավասության շրջանակներում ակտիվ մասնակցություն ցուցաբերել մարդու իրավունքների մշակման գործում:

Կառավարության նիստում վարչապետն անդրադարձավ նաեւ մինչեւ 2008 թվականը սկսված, սակայն դեռեւս չավարտված շինարարությունների հարցին եւ հայտարարեց, որ այդ շինարարությունների համար նպաստները կշարունակվեն մինչեւ 2026 թվականը:

- Հիշեցնեմ 2015 թվականին Վրաստանի կառավարությունը որոշում է կայացրել մինչեւ 2008 թվականը սկսված եւ չավարտված շինարարությունների

աջակցության վերաբերյալ: Մենք որոշում ենք կայացրել այս ծրագիրը երկարաժամկետ մինչեւ 2026 թվականը: Սա շատ արդյունավետ ծրագիր է: - հայտարարեց Գիորգի Գախարիան:

Վարչապետն իր խոսքում հիշատակեց եւս մի նոր նախաձեռնություն, ըստ որի, բռնի տեղահանված անձինք, որոնք ունեն մինչեւ 5 հեկտար գյուղատնտեսական նշանակության հողեր, ազատվում են գույքահարկից:

- Սա չնչին օգնություն է, սակայն աջակցություն է մեր փախստականներին, որոնք զբաղված են գյուղատնտեսությամբ, - հայտարարեց Գիորգի Գախարիան:

Նա խոսեց նաեւ աշխատանքային տեսչություն ստեղծելու հարցում կառավարության մտադրության մասին: Նրա խոսքով, կառավարությունը խորհրդարանի գարնանային նստաշրջանին կներկայացնի օրինադրագրի այդ մասին: Երկրորդ, աշխատանքի տեսչության ստեղծման հատուկ ամսաթիվ նշված չէ, սակայն վարչապետի պարզաբանմամբ, աշխատանքի տեսչությունը լինելու է՝ բռնազավթված տարածքներից բռնի տեղահանված անձանց, աշխատանքի, առողջապահության եւ սոցիալական հարցերով նախարարության ենթակայության ներքո գտնվող իրավաբանական անձ:

ԴԻՐՔՈՐՈՇՈՒՄ

ՍԱԼՈՄԵ ԶՈՒՐԱԲԻՇՎԻԼԻ. «ՎՐԱՍՏԱՆԻ ԲՆԱԿՉՈՒԹՅԱՆ ՀԱՆԳՈՒԹՈՂԱԿԱՆՈՒԹՅՈՒՆ ԻՆՔՆՈՒԹՅԱՆ ՄԱՍՆ Է, ՈՐԻ ՀԱՄԱՐ ՄԵՆՔ ԸՆՏ ՀՊԱՐՏ ԵՆՔ»

(Սկիզբը՝ 1-ին էջում)

թվում Վիրահայոց թեմի Սուրբ Գեորգ եկեղեցու հոգեւոր հայր Զուրաբ քահանա Զարուբունյանը:

Սալոմե Զուրաբիշվիլին հանդիպմանը առանձնակի ընդգծեց Վրաստանում տիրող հանդուրժողականության մթնոլորտը եւ հայտարարեց, որ ներկայումս առանձնակի նշանակություն ունի ազգային տարբեր պատկանելության եւ դավանանքների մարդկանց մի-

ասնությունը, ինչը երկրի առջեւ ծառայած մարտահրավերների դիմակայության նախադրյալն է: Նախագահն ընդգծեց տարբեր կրոնական միավորումների խաղաղ գոյակցությունն ու վրացական հանդուրժողականությունը:

Ինչպես նշել է նախագահը, Վրաստանի բնակչության մեծ մասը ուղղափառ է, սակայն Վրաստանում յուրաքանչյուր կրոն ունի իր տեղը, ազատությունը եւ փոխկապակցվածությունը, ինչը եզակի է

դարձնում Վրաստանը:

- Վրաստանի բնակչության համար հանդուրժողականությունը ինքնության մասն է, որի համար մենք շատ հպարտ ենք: Կարելի է, որ մենք ունենք այնպիսի հարաբերություններ, որոնք ներառում են հարգանք եւ բարեկամություն: Զարաբերություն, որը խաղաղություն է բերում երկրին ու հասարակությանը: Այս խաղաղությունն այսօր առավել անհրաժեշտ է, քանի որ նկատում ենք հասարակության մեջ՝ լարվածու-

թյան, առճակատման, բեւեռացման եւ ատելության լեզվի միտումներ: Մենք ապրում ենք մի երկրում, որի մի մասը բռնազավթված է, եւ մենք իրավունք չունենք ունենալ որեւէ տարածայնություն երկրի ներսում, - ասաց նախագահը:

Հանդիպմանը ելույթ ունեցան նաեւ Վրաստանի պատրիարքության մամուլ կենտրոնի ղեկավար վարդապետ Անդրիա Զաղմաիծեին, Արեւմտյան Վրաստանի մուֆթ Զաքի Ադամ Շանթաձե:

ՎՐԱՍՏԱՆ - ԱՄՆ

ԿՈՆԳՐԵՍԸ ՎՐԱՍՏԱՆԻ ՆԿԱՏՄԱՄԲ ՈՒՆԻ ՎՍԱԶՈՒԹՅՈՒՆ, ԱԶԱԿՑՈՒԹՅՈՒՆ ԵՎ ԼԱՎԱՏԵՍՈՒԹՅՈՒՆ

(Սկիզբը՝ 1-ին էջում)

անցկացված հանդիպումից հետո:

Արչիլ Թալակվաձեի խոսքով, ԱՄՆ կոնգրեսը Վրաստանի նկատմամբ ունի վստահություն, աջակցություն եւ օգտիմիզմ: Նրա հայտարարությամբ, երկու երկրների գործընկերային հարաբերություններին որեւէ բան չի սպառնում:

Իրենց հերթին, ԱՄՆ Սենատի արտաքին հարաբերությունների հանձնաժողովի նախագահ Ջիմ Ռիչը եւ Եվրոպայի ու տարածաշրջանային անվտանգության ենթակոմիտեի անդամ Ջիմ Շահինը հայտարարեցին, որ հանդիպման ժամանակ զրուցել են իրենց կողմից Վրաստանի վարչապետին ուղարկված նամակի մասին, որում սենատորները մտահոգություն են հայտնել Վրաստանում ժողովրդավարության թուլացման մասին: Նրանց խոսքով, հանդիպմանը քննարկվել են երկու երկրների գործընկերության առնչվող մի շարք հարցեր, մասնավորապես՝ Վրաստանի նվիրվածությանը ժողովրդավարության եւ լավ կառավարման հանդեպ:

- Մենք երկար ժամանակ աջակցում ենք Վրաստանում ժողովրդավարության զարգացմանը, եւ այդ աջակցությունը երկկուսակցական է: 2012 թվականին մենք նասնակցել ենք Վրաստանի պատ-

մական ընտրություններին՝ որպես միջազգային դիտորդներ, եւ ողջունել ենք այդ առաջընթացը, - հայտարարել են ամերիկյան օրենսդիրներն ու հավելել, որ ժողովրդավարությունը պահանջում է երկարատեւ ջանքեր, եւ Վրաստանը այդ գործընթացում բախվում է Ռուսաստանի կողմից մարտահրավերի:


- Կոչ ենք անում վարչապետ Գախարիային եւ Վրաստանի կառավարությանը կատարել ստանձնած պարտավորություններն ու ամրապնդել ժողովրդավարական ինստիտուտները, նպաստել դատարանի անկախությանը, առաջ քաշել խոստացված ընտրական բարեփոխումները եւ հարգել քաղաքացիական հասարակության հետ համագործակցությունը, - նշել են օրենսդիրները:

Վրաստանի արտաքին գերատեսչության ղեկավար Դավիթ Զալկալիանին Կրոնական ազատության դաշինքի անդամ երկրների 10 արտաքին գործերի նախարարների հետ մասնակցել է բարձր



մակարդակի հանդիպմանը, որը Վաշինգտոնում կայացել է ԱՄՆ պետական քարտուղար Մայք Փոմփեյի իրավերով: Կրոնական ազատության հարցերի մասին խոսելիս՝ Դավիթ Զալկալիանին առանձնապես ընդգծել է Վրաստանի օկուպացված շրջաններում մարդու իրավունքների պաշտպանության առումով ստեղծված ծանր իրավիճակը:

Բացի այդ, Դավիթ Զալկալիանու գնահատմամբ, Վրաստանի մասնակցությունը նշված բարձր մակարդակի հանդիպմանը հաստատում է Վրաստան-ԱՄՆ առանձնահատուկ գործընկերությունը: ՄԻՄՆ ԿԻԼՁԵ



ՄԵԾ ԲՐԻՏԱՆԻԱ ՊԱՇՏՈՆԱՊԵՆ ԼՔԵՑ ԵՎՐԱՄԻՈՒԹՅՈՒՆ

Մեծ Բրիտանիան այլևս Եվրամիության անդամ չէ: Գոնվարի 31-ին, տեղական ժամանակով 23:00-ին, երկիրը պաշտոնապես լքեց միությունը:

Մեծ Բրիտանիան 47 տարի եղել է Եվրամիության կազմում:

Բրեքսիթից հետո, փետրվարի 1-ից սկսվել է 11-ամսյա անցողիկ ժամանակաշրջանը, որի ընթացքում Մեծ Բրիտանիան կենթարկվի Եվրամիության կանոններին, սակայն ներկայացված չի լինի կազմակերպության ինստիտուտներում:

ԱՄՆ

ՍԵՆԱՏԸ ԱՐԴԱՐԱՑՐԵՑ ՆԱԽԱԳԱՀԻՆ

ԱՄՆ Սենատը Դոնալդ Թրամփին, իմպիչմենթի գործընթացի շրջանակներում, արդարացրեց երկու՝ իշխանության չարաշահման եւ կոմպրոմիսի կողմից անցկացվող հետաքննությունը խանգարելու հողվածներով:

Դոնալդ Թրամփին իշխանության չարաշահման հողվածով մեղավոր ճանաչելու կողմ են քվեարկել ժողովրդավար բոլոր սենատորները, ինչպես նաեւ մեկ հանրապետական՝ Միք Ռոմնին:

Ինչ վերաբերում է երկրորդ մեղադրանքին՝ կոմպրոմիսի հետաքննությանը խանգարելուն, այստեղ ձայները բաշխվել են կուսակցական ձեռով. 53 սենատոր նախագահին անմեղ է ճանաչել, 47-ը՝ մեղավոր:

Որպեսզի Սենատը Դոնալդ Թրամփին մեղավոր ճանաչեր, անհրաժեշտ էր ձայների մեկ երրորդը՝ առնվազն 67 ձայն:

ԻՐԱՆ

80000 ԴՈՒՍՐՈՒՆ ԱՎԻԱՊԵՏԻ ԶՈՐԵՐԻՆ

Իրանի իշխանությունը, «Ուկրաինայի միջազգային ավիագծեր» ինքնաթիռի կործանման արդյունքում զոհված ուկրաինացի քաղաքացիների ընտանիքների փոխհատուցման կարգով, առաջարկել է 80 հազար ԱՄՆ դոլար: Այդ մասին հեռուստատեսության եթերում հայտարարել է Ուկրաինայի նախագահ Վադիմիր Զելենսկին: Նրա խոսքով, ուկրաինական կողմն այդ գումարը բավարար չի համարում: Նա նշել է, որ ուկրաինական կողմը պահանջում է սեւ արկղերի հանձնումը:

ՍԻՐԻԱ

ՀՐԹԻՈՎԱԿՈԾՎԵԼ ԵՆ ԹՈՒՐԿԱԿԱՆ ԴԻՐՔԵՐԸ

Սիրիայի հյուսիսում, Իդլիբի նահանգում, թուրքական զորամիավորումները հրթիռակոծվել են Սիրիայի բանակի կողմից: Զոհվել է 4 զինծառայող, 9-ը՝ վիրավորվել: Թուրքիայի պաշտպանության նախարարության տեղեկատվությամբ, սիրիական կողմը զգուշացված էր թուրք զինվորների գտնվելու հարցում:

ԹՈՒՐԿԻԱ

ԶՆԱՐՈՍԵ ԶՈՐԵՐՈՎ՝ ՎԱՆԻ ՆԱԶԱՆ-ԳՈՒՄ ԵՎ ԱՎԻԱՎԹԱՐ՝ ՍՏԱՄԲՈՒԼՈՒՄ

Թուրքիայի Վանի նահանգում ձնահոսքի հետեւանքով մահացածների թիվը հասել է 39-ի: Վիրավորվել է 84 մարդ: Սահացածների թվում կան իրավապահներ եւ վրկարարներ: Փրկարարական աշխատանքները դեռեւս շարունակվում են:

Փետրվարի 6-ին Ստամբուլի «Սաբիհա Գոքչեն» միջազգային օդանավակայանում, ուղեւորատար ինքնաթիռի վթարային վայրէջքի հետեւանքով, զոհվել է 3 մարդ եւ տուժել՝ 180-ը:

Տեղի ունեցածի պատճառ նշվում է վատ եղանակը:

Շարաքից շարաք. Փաստեր եւ իրադարձություններ

ՀԱՂՈՐԳՈՒՄ ԵՆ «ՎՐԱՍՏԱՆԻ» ԵՎ ԼՐԱՏՎԱԿԱՆ ԳՈՐԾԱԿԱԼՈՒԹՅՈՒՆՆԵՐԻ ԹՂԹԱԿԻՑՆԵՐԸ

ԸՆՏՐԱԿԱՆ ՕՐԻՆԱՆԱԽԱԳԻԾ

ԸՆՏՐԱԿԱՆ ՀԱՍՏԱՎԱՐԳԻ ՍԱՀՄԱՆՈՒՄԸ ԴԵՏՈՒԹՅԱՆ ԻՆՔԵՆԵՒՄԱՆ ՈՐՈՇՈՒՄ Ե

(Սկիզբը՝ 1-ին էջում)

Եր ԵԱՀԿ ժողովրդավարական ինստիտուտների եւ մարդու իրավունքների գրասենյակ (ODIHR): Օրերս այդ գրասենյակից ստացված եզրակացությունը, ըստ որի ընտրական համակարգը պետության ինքնիշխան որոշումն է, երկու սկզբունքներն էլ, մեծամասնականը եւ համանախնայականը, ինչպես նաեւ դրանց համադրությամբ ստացված խառը համակարգը օրինական ընտրությունն է:

Մեկնաբանելով «ODIHR»-ի եզրակացությունը՝ «Վրացական երազանքի» ներկայացուցիչ Իրակլի Կոբախիձեն հայտարարեց, որ երկու ուղերձ է առանձնացվում «ODIHR»-ի եզրահանգումից: Մասնավորապես, Կոբախիձեի հայտարարությամբ, «ODIHR»-ի եզրահանգման մեջ հստակ նշված է, որ արդար են ինչպես համանախնայական, այնպես էլ՝ մեծամասնական:


մասնական ու խառը ընտրական համակարգերը, բացի այդ, չկա ակնարկ, որ ընտրական տարվա ընթացքում ընտրական համակարգը պետք է փոփոխվի:

Իրակլի Կոբախիձեի կարծիքով, հավասարապես օրինական է ոչ միայն կառավարող կուսակցության կողմից ընդդիմությանն առաջարկված 100/50 համակարգը, այլև այսօր գործող խառը համակարգը:

Իսկ ինչ վերաբերում է 2020 թվականի խորհրդարանական ընտրություններին, ապա Իրակլի Կոբախիձեն հայտարարեց, որ այդ ընտրություններին «Վրացական երազանք» կուսակցությունը կներկայանա նորացված կազմով եւ նվազագույնը յուրաքանչյուր երկրորդ ձայնը ստանալու նվազագույն ծրագրով:

- Մենք կենտրոնացված ենք նորացման վրա, եւ թիմն անպայման կներկայանա նոր տեսքով: Ծրագրի նվազագույնը՝ յուրաքանչյուր երկրորդ ձայնը ստանալու է: Որքան շատ ձայն, այնքան լավ՝ հայտարարեց Իրակլի Կոբախիձեն:

Իսկ միացյալ ընդդիմությունն ընտրական օրինանախագծի իր տարբերակի պաշտպանության նպատակով կրկին ձեռնամուխ եղավ խորհրդարանի շենքի արգելափակման գործողությունների: Ընդդիմության ղեկավարների խոսքով, բողոքի գործողությունները պարբերական բնույթ կկրեն եւ չեն ընդհատվի մինչեւ կառավարող թիմը զիջումների չդիմի:



ԳՆԱՑՔ՝ ԹԲԻԼԻՍԻ-ՔՈՒԹԱՅԻՍԻ ՕՂԱՆՎԱԿԱՅԱՆ

Վրաստանի էկոնոմիկայի եւ կայուն զարգացման նախարար Նաթիա Թուրնավայի տեղեկատվությամբ, կառավարությունը հաստատել է Քութայիսի միջազգային օդանավակայանը եւ Վրաստանի երկաթգիծը կապելու վերաբերյալ նախագիծը:

Նրա պարզաբանմամբ, կսկսի գործել Քութայիսիում տեղակայված Կոպիտնարի երկաթգիծը, որտեղ Թբիլիսիից հնարավոր կլինի տեղափոխվել մինչեւ Կոպիտնարի կայարան, իսկ այնտեղից՝ հատուկ վագոններով մինչեւ օդանավակայան:

Նախարարի խոսքով, նախագծում երեք գերատեսչություն է ներգրավված: Մասնավորապես, Վրաստանի երկաթգիծը կիրականացնի Կոպիտնարի կայարանի վերանորոգումը, ճանապարհային դեպարտամենտը՝ կայարանն ու օդանավակայանը կապող ճանապարհը, իսկ օդանավակայանների միավորումը կիրականացնի հատուկ վագոններով ավիաուղեորների անվճար ծառայությունը:

Կոպիտնարի կայարանից մինչեւ օդանավակայան 1,5 կմ է:

Յիշեցնենք՝ սա առաջին դեպքը չէ, երբ այս հարցը բարձրացնում է Վրաստանի կառավարությունը: 2017 թվականին Վրաստանի այն ժամանակվա վարչապետ Գիորգի Կվիրիկաշվիլին հայտարարել էր, որ մեկ տարում նախագիծը կիրականացվի, հարցը դրանից հետո չէր բարձրաձայնվել:

ՄԵԿՆԱՐԿԵՑ ԳՈՐԱՆԱՅԻՆ ԶՈՐԱԿՈՉԸ

Վրաստանի կառավարության կողմից ընդունված իրամանագրով, պարտադիր զինվորական ծառայության 2020 թվականի գորակոչը, որը սկսվել էր փետրվարի 3-ին, կտեւի մինչեւ հունիսի 30-ը:

Պաշտպանության ուժեր գորակոչելու առավելագույն քանակը սահմանվել է 1400, արդարադատության նախարարության ենթակայության մեջ գտնվող կառույցներում՝ 1328, ՆԳՆ-ն զինվորացված ստորաբաժանումներում՝ 950, պետական անվտանգության ծառայությունում ծառայելու է 311 նորակոչիկ, իսկ Վրաստանի պետական պահպանության հատուկ ծառայությունում՝ 200 նորակոչիկ:

Պարտադիր զինվորական ծառայության գորակոչվում են 18-ից 27 տարեկան քաղաքացիները:

Պարտադիր զինվորական ծառայությունը գորակոչվելու գործընթացը համակարգում է Վրաստանի տարածաշրջանային զարգացման եւ ենթակառուցվածքների նախարարությունը:

ՈՂԲԵՐԳԱԿԱՆ ՄԻՋԱՂԵՊ

Չորս մանկահասակ երեխա եւ երկու կին հրդեհի զոհ են դարձել Քութայիսիի (Իմերեթի տարածաշրջան) մերձակա Բաղդասի գյուղում:

Վրաստանի ՆԳ նախարարության տեղեկատվությամբ, հրդեհը բռնկել էր բնակելի փայտաշեն տանը: Կրակը տարածվել է 200 քառակուսի մետրի վրա: Այրվող տուն մտած փրկարարները հրդեհը տեղափակելուց հետո գտել եւ դուրս են բերել հինգ դիակ՝ չորս անչափահաս եւ մեկ կին: Ավելի ուշ, գտնվել է տարեց կնոջ մարմինը: Կատարվում է հետաքննություն:

ԻՐԱՎԱԿԱՆ



Վրաստանի Բացահայտվել Կախեթի շրջանային վարչության տարածքում: Աջարիայում գրանցվել է իրավախախտման

ՎԱԿԵՐԱՑՎԵԼ ԵՆ ԱՊՕՐԻՆԻ ԾԱՌԱՐԱՏՄԱՆ ՓԱՍՏԵՐ

Վրաստանի բնապահպանության եւ գյուղատնտեսության նախարարության միջավայրի հսկողության վարչության աշխատակիցները 2020 թվականի հունվարի 1-ից մինչեւ 31-ը ներառյալ բացահայտվել է ապօրինի ծառահատման եւ փոխադրման 309 դեպք: Բացահայտված փաստերն ընդգրկում են 6 քրեական գործեր:

Ապօրինի ծառահատման եւ փոխադրման ամենաշատ՝ 130

65, Իմերեթիում՝ 34, Քվեմո Քարթլիում՝ 29, Սամցխե-Ջավախեթիում՝ 18, Սամեգրելո-Չեմո Սվանեթիայում՝ 13, Շիդա Քարթլիում եւ Մցխեթա Մթիանեթիում՝ 7-ական, Ռաճա-Լեչխումիի Քվեմո Սվանեթիայում՝ 4, Գուրիայում՝ 2 փաստ: Ընդհանուր առմամբ, առգրավվել է 450 խորանարդ մետր անտառանյութ:

ԵՆԹԱԿՈՒԹՅՈՒՆ

ՆԻՆՈՇՄԻՆԴԱՅՈՒՄ ԿԱՌՈՒՑՎՈՒՄ Ե ԱՐԴԱՐԱԴԱՏՈՒԹՅԱՆ ՏՈՒՆ

Նինոծմինդայում, համանուն մունիցիպալիտետի կենտրոնում, Վրաստանի արդարադատության նախարարության նախաձեռնությամբ կառուցվում է արդարադատության տուն:


Ենթակառույցի շինարարական աշխատանքներն սկսվել են 2019 թվականի դեկտեմբերի 10-ին: Նախագծի համաձայն, հենակետերի կառուցումը նախատեսված է ավարտին հասցնել 2020 թվականի հունիսի 31-ին: Շինարարության համար կծախսվի 855 հազար 412 լարի:

Նինոծմինդայի քաղաքապետարանի դիմաց կառուցվող շինությունը կլինի ապակե, միահարկ, կկատարի արդարադատության տան գործառնությունները: Տեղի բնակիչներին մեկ պատուհանի սկզբունքով հասանելի կդառնա ավելի քան 200 պետական եւ մասնավոր ծառայությունից օգտ-

վելու հնարավորություն: Հաճախորդը կկարողանա ձեռք բերել անձնագիր/ույնականացման քարտ, գրանցել անշարժ գույք, կազմել կադաստրային պլան կամ արխիվային պահպանում:

Կենտրոնի ենթակառուցվածքները հարմարեցված կլինեն հաշմանդամ անձանց համար: Շենքի ներսում կգործեն MagtiCom-ի եւ Liberty Bank-ի մասնաճյուղերը, վերջինս թոշակառուներին հնարավորություն կտա տեղում կենսաթոշակ ստանալ:

Արդարադատության նախարարության նախաձեռնությամբ, նմանատիպ կենտ-



րոններ Վրաստանի մարզերում կառուցվում են 2012 թվականից: Ծրագրի նպատակն է ընդլայնել տեղի բնակիչների համար կոմունալ ծառայությունների հասանելիությունը: Ներկայումս երկրի տարածքում գործում է ժամանակակից չափանիշներով 75 հանրային կենտրոն: Մինչեւ տարեվերջ բացվելու է եւս 10-ը:

ԱՐԵՎԻԿԱ ՄԱՆՈՒԿՅԱՆ

ԱՐԱՋԱՆԳ

ՎՐԱՍՏԱՆՈՒՄ ԱՐԴԵՆ ՀՆԱՐԱՎՈՐ Ե ՀԱՍՏԱՏԵԼ ԿՈՐՈՆԱՎԻՐՈՒՄԸ



Փետրվարի 4-ին Վրաստանի հիվանդությունների վերահսկման ազգային կենտրոնի տնօրեն Ամիրան Գամդելիձեն հայտարարեց, որ այսօրվանից Վրաստանում հնարավոր է հաստատել կորոնավիրուսի առկայությունը:

Նրա խոսքով, վրացական կողմը բանակցություններ է վարել գործընկերների հետ, որից հետո որոշվել է, Վրաստանը կստանա համապատասխան թեստեր, որոնց

Դրա հետ մեկտեղ, ինչպես հայտարարել է Ամիրան Գամդելիձեն, այս պահին Վրաստանում կորոնավիրուս չի հաստատվել:

Ինչ վերաբերում է այդ վտանգավոր վարակի տարածման վիճակագրությանը, ապա, ներկա դրությամբ, Չինաստանում նոր տիպի կորոնավիրուսով վարակված մարդկանց թիվը հասնում է 28 հազարի, մահացածների թիվը՝ 636: Չինաստանի իշխանությունների տվյալներով, 186 000 մարդ երկրում գտնվում է կարանտինի մեջ: Դրան զուգընթաց, տեղեկատվություն է տարածվել նաեւ առողջապահության դեպարտի վերաբերյալ: Մասնավորապես, նշված է, որ լրիվությամբ բուժվել է 1540 մարդ:

Բացի Չինաստանից, ավելի քան 25 երկրում հայտնաբերվել է նոր տեսակի կորոնավիրուսի ավելի քան 200 դեպք:

Առողջապահության համաշխարհային կազմակերպությունը հաստատում է, որ կորոնավիրուսի բուժման նոր մեթոդներ չի հայտնաբերվել:

միջոցով հնարավոր կլինի կորոնավիրուսի առկայության հաստատումը Վրաստանում:

Գործող փորձով, հիվանդի կենսաբանական նյութը դեռ հետազոտում են Լուզարի լաբորատորիայում, որտեղ տեղի է ունենում մի քանի վարակի վրա հետազոտություն, որոնց թվում նոր կորոնավիրուսը չկա: Այն դեպքում, եթե այդ վարակները չեն հայտնաբերվում, նյութերն ուղարկվում են արտասահման, որտեղ պատասխանները հայտնի են դառնում մի քանի օրից:

Այսօրվանից, նյութերը արտասահման չեն ուղարկվի եւ կուսումնասիրվեն տեղում:

ՎՐԱՍՏԱՆ - ՀԱՅԱՍՏԱՆ

ՉԱՐԵՆ ՄԻՆԱՆՅԱՆ. «ՎՐԱՍՏԱՆԻ ՀԱՅ ՀԱՄԱՅՆՔԸ ՅՈՒՐԱՀԱՏՈՒԿ Է ԵՎ ՄՅՈՒՄ ՀԱՄԱՅՆՔՆԵՐԻՑ ԱՌԱՆՁՆԱԼՈՒՄ Է ԻՐ ՊԱՏՄԱԿԱՆ ՀԵՏԱԳԾՈՎ»

(Սկիզբը՝ 1-ին էջում)

Վրաստանի կառավարության ռազմավարությունն ու առաջնահերթությունները, իրականացվող նախագծերն ու հանձնառությունները: Պետնախարարի հավաստմամբ, ազգային փոքրամասնություններին հանրային-հասարակական տարաբնույթ ոլորտներում ներգրավման առումով առկա է զգալի առաջընթաց: Նրա խոսքով, վրաց-հայկական սերտ հարաբերությունները ոչ միայն աշխարհագրությամբ են պայմանավորված, այլև պատմական, մշակութային բազմաթիվ առանձնահատկություններով: Ք.Ցիխելաշվիլին ընդգծեց, որ վրացիներն ու հայերը ապրում են խաղաղ համակեցությամբ: Ըստ պետնախարարի, Վրաստանի կառավարության համար կարևոր է ինչ-պես այլ ազգությունների լիարժեք ինտեգրումը, այնպես էլ՝ ազգային ինքնության պահպանման խրախուսումը: Այս համատեքստում հատկապես կարևորվեց էթնիկ լեզվի ուսուցման շարունակականության ապահովումը, ինչ-պես նաև պետական լեզվի իմացության մակարդակի բարելավումը: Հանդիպմանը պետնախարարը շեշտեց,

թեոնում հանգչող մեծերի հիշատակին:

Պանթեոնում Վրաստանում Հայաստանի դեսպանատան մամլո պատասխանատու Հայրապետյանը Ջարեհ Սինանյանին ցույց տվեց վերջերս հայ համայնքի ներկայացուցիչների կողմից թբիլիսիի կենտրոնական փողոցների վերանորոգման ընթացքում հայտնաբերված եւ ոչնչացումից փրկված, պանթեոն տեղափոխած հայկական գրառումներով տապանաքարերը:

«ՎՐԱՍՏԱՆ» ԹԵՐԹԸ ՎՐԱՑ ՀԱՍԱՐԱԿՈՒԹՅԱՆ ԻՆՏԵԳՐԱԿՆԻՍՏԱՆՈՒԹՅԱՆ ՄԵԾ ԳՈՐԾ Է ԱՆՈՒՄ

Աշխատանքային այցով Թբիլիսիում գտնվող Հայաստանի Սփյուռքի գործերի գլխավոր հանձնակատար Ջարեհ Սինանյանը փետրվարի 3-ին այցելեց «Վրաստան» թերթի խմբագրություն: Հանդիպմանը թերթի խմբագիր Վան Բայբուրջյանը հանձնակատարին ներկայացրեց պարբերականի գործունեությունը, որի հիմնադրման 100-ամյակը կլրանա այս տարվա դեկտեմբերին: Ջարեհ Սինանյանը բարձր գնահատեց թերթի առաքելությունը ու գործունեությունը՝ կարևորելով նրա դերը հայապահպանության գործում: Խոսելով խմբագրություն եւ Թբիլիսի այցի մասին Հայաստանի Սփյուռքի գործերի գլխավոր հանձնակատարը «Վրաստան» թերթի հետ կիսվեց իր տպավորություններով:

բաժանում: Այնպես որ, լիափոխ են, Վրաստանի հետ կապը ամենամատչելին ու հաճախակին է լինելու:

«ՆՈՐԱՎԱՌՈՒՅՑ ԹԱՏՐՈՆԻ ՇԵՆՔԸ ԳԵՂԵՑԻԿ ԿԱՌՈՒՅՑՆԵՐԻՑ ՄԵԿՆ Է ԼԻՆԵՆՈՒ»

Աշխատանքային այցի շրջանակներում, Սփյուռքի գործերի գլխավոր հանձնակատարը եղավ Թբիլիսիի Պետրոս Ադամյանի անվան պետական հայկական դրամատիկական թատրոնի շինհրապարակում: Դիմավորելով հյուրերին՝ թատրոնի գեղարվեստական ղեկավար Արմեն Բայանդուրյանը Ջարեհ Սինանյանին եւ ուղեկիցներին առաջարկեց շրջայց կատարել շինհրապարակում,



Թատրոնի շինհրապարակում



Հանդիպում ԱԳՆ-ում

որ հայերի շրջանում ազգային լեզվի պահպանմանը մեծապես նպաստում է նաև Վրաստանում գործող հայալեզու մեդիան:

Շնորհակալություն հայտնելով ջերմ ընդունելության համար՝ Ջարեհ Սինանյանը նշեց, որ Վրաստանի հայ համայնքը յուրահատուկ է եւ մյուս համայնքներից առանձնանում է իր պատմական հետազոծով: Հանձնակատարն ընդգծեց, որ մեզ համար կարևոր է հայերի լիակատար ներգրավվածությունը բնակության երկրների հասարակություններին ու հանրային կյանքի տարբեր բնագավառներին՝ միեւնույն ժամանակ պահպանելով հայ ինքնությունն ու մշակույթը: Ջարեհ Սինանյանը պետնախարարին ներկայացրեց նաև գրասենյակի գործունեությունն ու ծրագրերը Հայաստան-Սփյուռք գործակցության համատեքստում:

Հանդիպմանը քննարկվեցին երկուստեք հետաքրքրություն ներկայացնող հարցեր, պատրաստակամություն հայտնվեց շարունակել համագործակցությունը նաև հետագայում:

Աշխատանքային այցի շրջանակներում, Ջարեհ Սինանյանը հանդիպում ունեցավ նաև Վրաստանի արտաքին գործերի փոխնախարար Լաշա Դարսալիայի հետ:

Երկուստեք կարևորվեցին վրաց-հայկական բարեկամական հարաբերությունները, զարգացման հեռանկարները: Ջարեհ Սինանյանը նշեց, որ Վրաստանի հայ համայնքի հետ աշխատանքում իր գրասենյակը կարևորում է ինքնության պահպանումն ու երկրի հասարակական կյանքի տարբեր ոլորտներին հայ բնակչության լիարժեք ինտեգրումը, հանրային ակտիվության մակարդակի բարձրացումը: Հանդիպման ավարտին քննարկվեցին համագործակցության հնարավոր ուղղությունները:

Քեթելան Ցիխելաշվիլին եւ Լաշա Դարսալիայի հետ հանդիպմանը մասնակցեցին Վրաստանում Հայաստանի արտակարգ եւ լիազոր դեսպան Ռուբեն Սադոյանն ու ՀՀ գլխավոր հանձնակատարի գրասենյակի վարչության պետ Հայկ Ենգիբարյանը:



Խոցվածքի պանթեոնում

ՀԱՐԱՎԱՐՔԻ ՏՈՒՐՔ՝ ՀԱՅՈՑ ՄԵԾԵՐԻ ՀԻՇՆԱՍԿԻՆ

Աշխատանքային այցով Թբիլիսիում գտնվող Հայաստանի Սփյուռքի գործերի գլխավոր հանձնակատար Ջարեհ Սինանյանը, Վրաստանում Հայաստանի դեսպան Ռուբեն Սադոյանի ուղեկցությամբ, այցելեց Թբիլիսիի Հայ գորղների եւ հասարակական գործիչների Խոցիվանքի պանթեոն, հարգանքի տուրք մատուցեց պանթեոնում հանգչող մեծերի հիշատակին:

Վրաստանի ամենաերկարակյաց թերթն այս տարի իր հարյուրամյակն է տոնում՝ վկան դառնալով Թբիլիսիում հայ մամուլի հարուստ ու բեղմնավոր պատմության: Մեծք ուրախ ենք, որ պարբերականը շարունակում է իր առաքելությունը, շարունակում է հայ ընթերցողին հայերենով լուրեր մատուցել եւ կապ հանդիսանալ ոչ միայն հայ-վրացական իրականության, այլև հայ ընթերցողի եւ նրա Պատմական Հայրենիքի միջե: Ողջունելի է, որ իր այդ առաքելության կարևորությունը «Վրաստան» թերթն ամենեւին չի կորցրել, եւ ընդհակառակը, այժմ առավել քան կարևոր է նրա գոյությունը: Բարի երթ եմ մաղթում մեր հայատառ թերթին, հաջողություններ, երկարակեցություն ու բազում ընթերցողներ, նաև հետաքրքիր ձեւաչափեր, որպեսզի անկախ պատմության վայրիվերումներից ու տեխնոլոգիաների փոփոխություններից, «Վրաստան» թերթը մնա կարևոր ու պահանջված մեր համայնքի համար:

Տպավորություններն շատ բուռն են, որովհետև Թբիլիսիի հայ համայնքը շատ հարուստ ու երկար պատմություն ունի՝ մեծ դեր խաղալով այսօրվա Հայաստանի հանրապետության ձեւավորման ու կայացման մեջ: Որովհետև ժամանակին հայկական մտավոր, գիտական, կրթական ու ինտելեկտուալ ողջ ներուժը կուտակվել էր հենց Թիֆլիսում: Եվ դա հիմք հանդիսացավ, որպեսզի հետագայում հնարավոր լիներ մեծ պաշարով մեկնել, վերադառնալ Հայաստան, մեր հողի Արեւելյան մաս, եւ փրկել, կերտել ներկայիս Հայաստանի Հանրապետությունը: Եվ այն այսօր, ես երբեմնի այդ հզոր համայնքի հետնորդների հետ եմ առնչվում: Ծանոթանում եմ նրանց կենցաղին, ամենօրյա խնդիրներին: Իհարկե, խնդիրներ կան, եւ մենք պետք է համբերությամբ լքվենք ու մեր հայրենակիցների, վրաց բարեկամների հետ համատեղ փորձենք լուծում տալ այդ հարցերին:

Սպավորություններն շատ բուռն են, որովհետև Թբիլիսիի հայ համայնքը շատ հարուստ ու երկար պատմություն ունի՝ մեծ դեր խաղալով այսօրվա Հայաստանի հանրապետության ձեւավորման ու կայացման մեջ: Որովհետև ժամանակին հայկական մտավոր, գիտական, կրթական ու ինտելեկտուալ ողջ ներուժը կուտակվել էր հենց Թիֆլիսում: Եվ դա հիմք հանդիսացավ, որպեսզի հետագայում հնարավոր լիներ մեծ պաշարով մեկնել, վերադառնալ Հայաստան, մեր հողի Արեւելյան մաս, եւ փրկել, կերտել ներկայիս Հայաստանի Հանրապետությունը: Եվ այն այսօր, ես երբեմնի այդ հզոր համայնքի հետնորդների հետ եմ առնչվում: Ծանոթանում եմ նրանց կենցաղին, ամենօրյա խնդիրներին: Իհարկե, խնդիրներ կան, եւ մենք պետք է համբերությամբ լքվենք ու մեր հայրենակիցների, վրաց բարեկամների հետ համատեղ փորձենք լուծում տալ այդ հարցերին:

Ինչ վերաբերում է Սփյուռքի նոր գրասենյակի հետագա գործունեությանը,՝ նշեց պարոն Սինանյանը, ապա ասեմ, որ այն կտրուկ տարբերվելու է նախորդից: Ի թիվս մյուսերի ունենք նաև հայրենադարձության գլոբալ ծրագիր, եւ դա յուրաքանչյուր համայնքում տարբեր կերպ ու ժամանակահատվածներում է դրսևորվելու, տարբեր անհատների կողմից այլ կերպ ընկալվելու, հետևաբար՝ մատուցվելու: Ընդհանուր առմամբ, սա հայաստանի մեր հիմնական պատակին է ծառայելու: Մենք մեր ուժերի ներածին չափ սատարելու ենք նաև նրանց, ովքեր շարունակելու են ապրել ու արարել իրենց ծննդավայրերում՝ պահելով Սփյուռքը: Այժմ արդեն շատ ավելի փոքր մարդկային ռեսուրսով, Սփյուռքի հարցերով գրասենյակը կոնկրետ օրակարգ ունի, ուր առաջնայինը Սփյուռքի ինտեգրումն է Հայաստանին: Խոսքն այն մասին է, որ Սփյուռքն ի շահ Հայաստանի եւ Հայաստանն ի շահ Սփյուռքի օգտագործենք: Սա մեր պետական տեսլականն է ու նպատակը: Անցյալում այս օրակարգը չկար, եւ ժամանակ է հարկավոր այս ամենին ընթացք տալու համար: Այս առանցքում Վրաստանն ամենամոտն է, ինքնաթիռով մոտ կես ժամ ճանապարհ է մեզ

ծանոթանալ կառուցվող բեմին եւ դահլիճին: Արմեն Բայանդուրյանը տեղեկացրեց, որ շենքի դրսի աշխատանքներն ավարտված են: Ծրագրված է շենքը շահագործման հանձնել ընթացիկ տարվա նոյեմբերին:

Ջարեհ Սինանյանը նշեց, որ ուրախ է տեսնել հայ համայնքի լիարժեք կյանքն ու կապվածությունը մշակույթին, միաժամանակ պատրաստակամություն հայտնեց աջակցել ծագող խնդիրների լուծման գործում:

Ջարեհ Սինանյանը հույս հայտնեց, որ թատրոնի շենքի շինարարությունը կավարտվի սահմանված ժամկետներում, եւ հարուստ պատմություն ունեցող թբիլիսյան թատրոնը իր ներկայացումներով հանդիսատեսին կուրախացնի նոր, գեղեցիկ շենքում:

ՀԱՆԴԻՊՈՒՄ ՎԻՐԱՀԱՅ ՀԱՄԱՅՆՔԻ ՆԵՐԿԱՅԱՑՈՒՑԻՉՆԵՐԻ ՀԵՏ

Փետրվարի 3-ին Հայաստանի Սփյուռքի գործերի գլխավոր հանձնակատարը Թբիլիսիի «Հայարտուն»



Հանդիպում հայ համայնքի հետ

կրթամշակութային կենտրոնում հանդիպում ունեցավ մայրաքաղաքի հայ համայնքի ներկայացուցիչների հետ: Ողջունելով ներկաներին՝ Ջարեհ Սինանյանը խոսեց Հայաստան-Սփյուռք գործակցության ուղղությունների եւ առաջնահերթությունների մասին, նշեց, որ այսօր կերտվում է մարդակենտրոն Հայաստանի Հանրապետությունը, որը պետք է ծառայի իր քաղաքացիներին, հիմնված լինի արդարության, հավասարության, ճշմարտության գաղափարների վրա: Անդրադարձ կատարելով վիրահայ համայնքին՝ հանձնակատարը շեշտեց, որ, տարաբնույթ դժվարություններով հանդերձ, համայնքն ամեն ինչ անում է հայի ինքնությունը պահպանելու համար: Հայերը, լինելով Վրաստանի լավ քաղաքացիներ, նաև շարունակում են լավ մարդիկ մնալ: Ջարեհ Սինանյանը խոսեց նաև համայնքային մի շարք խնդիրների եւ դրանց լուծման կարևորության մասին:

Ավելի քան երկու ժամ տևած հանդիպմանը մասնակիցները բազմաթիվ հարցեր ուղղեցին գլխավոր հանձնակատարին, որոնց գերակշիռ մասը վերաբերում էր հայապահպանությանը, հայոց լեզվի դասավանդմանը, մշակութային նախաձեռնություններին ու ծրագրերին, համայնքային կառույցների հետ աշխատանքի առանձնահատկություններին, հայրենադարձությանը, գրասենյակի 2020 թվականի ծրագրերին, փոխայցելություններին, հայ-վրացական միջպետական հարաբերություններում հայ համայնքի դերին:

(Հարունակությունը՝ 6-րդ էջում)